

**REGLUGERÐ FRAMKVÆMDASTJÓRNARINNAR (EB) nr. 2326/96****frá 4. desember 1996****um skiptingu framlaga bandalagsins og hlutaðeigandi aðildarríkja fyrir árið 1996 til úreldingarsjóðanna sem um getur í reglugerð ráðsins (EBE) nr. 1101/89 um skipulagsumbætur í flutningum á skipgengum vatnaleiðum(\*)****FRAMKVÆMDASTJÓRN EVRÓPUBANDALAGANNA HEFUR,**

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 1101/89 frá 27. apríl 1989 um skipulagsumbætur í flutningum á skipgengum vatnaleiðum <sup>(1)</sup>, eins og henni var síðast breytt með reglugerð (EB) nr. 2254/96 <sup>(2)</sup>, einkum 4. gr. a og 3. mgr. 10. gr.,

og að teknu tilliti til eftirfarandi:

Með reglugerð (EBE) nr. 1101/89 var samþykkt fyrirkomulag skipulagsumbóta á skipgengum vatnaleiðum, en meginþáttur þess er skipulag úreldingaraðgerða sem eru samræmdar á vettvangi bandalagsins.

Kveðið er á um fjárframlag bandalagsins til úreldingarsjóða til að úrelða skip sem eru á hinum sameiginlega biðlista sem um getur í reglugerð framkvæmdastjórnarinnar (EBE) nr. 1102/89 frá 27. apríl 1989 um sérstakar ráðstafanir vegna framkvæmdar reglugerðar ráðsins (EBE) nr. 1101/89 um skipulagsumbætur í flutningum á skipgengum vatnaleiðum <sup>(3)</sup>, eins og henni var síðast breytt með reglugerð (EB) nr. 3039/94 <sup>(4)</sup>. Gert er ráð fyrir fjárveitingum í þessu skyni í almennum fjárlögum bandalaganna fyrir árið 1996.

Auk þess er í reglugerð ráðsins (EBE) nr. 2254/96 kveðið á um fjárframlag hlutaðeigandi aðildarríkja til úreldingarsjóðanna fyrir árið 1996. Framlag þeirra ber að reikna út með hliðsjón af stærð skipastóls í rekstri í hlutaðeigandi aðildarríki.

Framkvæmdastjórninni er ætlað að skipta fjárframlagi bandalagsins og hlutaðeigandi aðildarríkja fyrir árið 1996 milli þeirra tveggja sviða sem um ræðir, þurrflutningaskipa og stjakbáta annars vegar og tankskipa hins vegar, í samræmi við fjölda umsókna um bætur sem hafa borist og deila því á milli úreldingarsjóða.

(\*) Þessi EB-gerð, sem birtist í Stjtið. EB nr. L 316, 5. 12. 1996, bls. 13, var nefnd í ákvörðun sameiginlegu EES-nefndarinnar nr. 23/97 frá 30. apríl 1997 um breytingu á XIII. viðauka (Flutningastarfsemi) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

<sup>(1)</sup> Stjtið. EB nr. L 116, 28. 4. 1989, bls. 25.

<sup>(2)</sup> Stjtið. EB nr. L 304, 27. 11. 1996, bls. 1.

<sup>(3)</sup> Stjtið. EB nr. L 116, 28. 4. 1989, bls. 30.

<sup>(4)</sup> Stjtið. EB nr. L 322, 15. 12. 1994, bls. 11.

Lengja ber frestinn til að fara fram á úreldingu samkvæmt reglugerð (EB) nr. 1102/89 með tilliti til þess mikla fjölda skipa sem úrelða á og takmarkaðrar afkastagetu úreldingarstöðvanna.

Mjög brýnt er að reglugerð þessi öðlist gildi þegar í stað vegna þeirrar þýðingar sem hún hefur fyrir fjárlög ársins 1996.

Haft hefur verið samráð við aðildarríkin um þær ráðstafanir sem kveðið er á um í reglugerð þessari og álitserð hefur borist frá sérfræðinganevnd um skipulagsumbætur í flutningum á skipgengum vatnaleiðum eins og kveðið er á um í 12. gr. reglugerðar framkvæmdastjórnarinnar (EB) nr. 1102/89.

**SAMÞYKKT REGLUGERÐ ÞESSA:****1. gr.**

1. Í reglugerð þessari er kveðið á um skilyrði fyrir greiðslu úreldingarbóta vegna skipa sem um getur í 2. gr. reglugerðar (EBE) nr. 1101/89, þar eð nauðsynlegt er að minnka flota aðildarríkjanna á skipgengum vatnaleiðum um það bil 5% á árinu 1996.

2. Heildarfjárhagsáætlun sem nemur 64 milljónum ECU er talin nauðsynleg fyrir árið 1996 ef ná á fyrrnefndu markmiði, en af þeirri fjárhæð eru 42 milljónir ECU áætlaðar til úreldingar þurrflutningaskipa og stjakbáta og 22 milljónir ECU til úreldingar tankskipa.

3. Til viðbótar því fé sem um getur í 4. mgr. 1. gr. reglugerðar (EBE) nr. 1102/89 hafa úreldingarsjóðirnir sem um getur í 1. mgr. 3. gr. reglugerðar (EBE) nr. 1101/89 hlotið fjárframlag frá bandalaginu fyrir árið 1996 sem nemur 20 milljónum ECU og fjárframlag frá hlutaðeigandi aðildarríkjum sem nemur 41 milljón ECU til þess að úrelða þau skip sem eru á sameiginlega biðlistanum sem um getur í 6. mgr. 8. gr. reglugerðar (EBE) nr. 1102/89.

4. Fjárframlög hlutaðeigandi aðildarríkja fyrir árið 1996 hafa verið reiknuð út með hliðsjón af stærð skipastóls þeirra í rekstri, miðað við tonnátölu, þar sem umræddar fjárhæðir eru 1. janúar 1996:

- fyrir Austurríki: 680 000 ECU,
- fyrir Belgíu: 6 010 000 ECU,
- fyrir Þýskaland: 10 450 000 ECU,
- fyrir Frakkland: 960 000 ECU,
- fyrir Holland: 22 900 000 ECU.

5. Framkvæmdastjórnin skal vinna með stjórnnum sjóðanna að því að taka saman sameiginlegan biðlista fyrir hina tvo aðskildu reikninga sem um getur í 3. mgr. 3. gr. reglugerðar (EBE) nr. 1101/89.

Sjóðirnir skipta fénu sem er til á aðskildu reikningunum tveimur milli umsækjenda um úreldingarbætur með hliðsjón af röð þeirra á hinum sameiginlega biðlista uns öllu handbæru fé hefur verið útdeilt. Stjórnir sjóðanna skulu tilkynna skipaeigendum um málalyktir þegar í stað ef umsóknir þeirra eru teknar til greina.

6. Framkvæmdastjórnin skal ákveða, fyrir 31. desember 1996, með hvaða hætti beri að skipta fénu sem um getur í 2. mgr. milli úreldingarsjóðanna með hliðsjón af umsóknum um úreldingarbætur sem hafa verið teknar til greina.

**2. gr.**

Orðið „nú“ komi í stað „sex“ í fyrsta lið 5. mgr. 7. gr. reglugerðar (EBE) nr. 1102/89.

**3. gr.**

Reglugerð þessi öðlast gildi á þriðja degi frá því að hún birtist í *Stjórnartíðindum Evrópubandalaganna*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 4. desember 1996.

Fyrir hönd framkvæmdastjórnarinnar,

*Neil KINNOCK*

framkvæmdastjóri.